

OBRAZLOŽENJE

za imjene i dopune Statuta Udruženja inženjera i tehničara FBiH

Planom rada Udruženja za 2016. godinu predviđena je aktivnost izmjene i dopune Statuta Udruženja. U skladu sa navedenim Predsjedništvo Udruženja je na jednoj od sjednica Predsjedništva razmatralo važeći Statut u 2015. godini pri čemu je donijelo odgovarajuće zaključke u vezi izmjena i dopuna i da se navedena aktivnost realizira u 2016. godini. O navedeno su delegati Skupštine upoznati na XIII Skupštini Udruženja koja je održana u Goraždu.

Izmjene i dopune Statuta Udruženja su imale za cilj:

- Usladživanje Statuta sa Zakonom o udruženjima i fondacijama
- Definisane bivšeg statusa Udruženja poslije 1992 godine
- Preciznije razdvajanje izvršne i zakonodavne funkcije u Udruženju
- Preciziranje metodologije izbora delegata u Skupštini Udruženja
- Preciziranje metodologije izbora Upravnog odbora, Predsjednika i Podpredsjednika Upravnog odbora
- Definisane postupka dodjele nagrada i priznanja Udruženja
- Definisane postupka opoziva predstavnika u organima Udruženja
- Definisane načina održavanja sastanaka organa Udruženja
- Definisane načina utroška dobiti u radu Udruženja u skladu sa Zakonom
- Definisane načina čuvanja poslovne tajne

Gore navedenim izmjenama i dopunama Statuta želi se izgraditi čvrst i siguran okvir po kojem će funkcionisati u budućnosti Udruženje jer su jasnije definisane nadležnosti i stvorena pretpostavka za odgovornije izvršavanje propisanih nadležnosti za sve izabrane predstavnike u organe upravljanja Udruženja. Predloženi Statut je u potpunosti usklađen sa Zakonom o udruženjima i fondacijama. Ovim izmjenama i dopunama Statuta precizirane su i razdvojene funkcije u organima Udruženja jer se u trenutnom Statutu preklapaju određene nadležnosti funkcija kao naprimjer predsjednika Skupštine i predsjednika Predsjedništva. U Pravilniku o članstvu je definisan postupak izbora članova u organima Udruženja tako da sada nema nejasnoća kod izbora. Od sada Udruženje ima i Pravilnik o priznanjima za članove Udruženja, pravna i fizička lica na domaćem i međunarodnom nivou. U izmjenama i dopunama Statuta definisan je i postupak eventualnog opoziva članova organa Udruženja ako to podružnica ili kolektivni član pokrene. Transparentnije je predloženo u novom Statutu postupak izbora predsjednika i podpredsjednika Upravnog odbora jer će se budući kandidati morati obratiti delegatima Skupština sa biografijom i Programom rada Udruženja za mandat za koji se biraju. Novi Statu je usklađen sa Zakonom o finansijskom poslovanju u dijelu koji se odnosi na trošenje eventualne dobiti u poslovanju Udruženja. Pored navedenih obaveznih usklađivanja Statuta sa Zakonom, definisan je i način čuvanja eventualne poslovne tajne te eventualno održavanje sastanaka organa Udruženja pomoću novih informacionih tehnologija. U trenutnom Statutu bilo

je puno tehničkih grešaka, preklapanja nadležnosti, neusklađenosti pojedinih članova. Sa predloženim izmjenama i dopunama Statuta nastojalo se sve navedeno poraviti u cilju kvalitetnijeg rada Udruženja kako bi se ostvarili definisani ciljevi u Statutu.

Predsjednik Skupštine UŠIT FBiH

Refik Hodžić, dipl.ing.šum.